

2 Timoteo **Pauloꝝe Timoteohât ekap** **betꝛan kulemguop.**

O nanne Timoteo,

¹ Nâmâ Paulo. Anitâ ikꝛahâk Yesu Kiristohât aposolo sâmbâ nihimu mem mansan. Kiristo orop biwinenꝛaꝛe kepeiakmâ konohâk otmu Anitâꝛe manman kârikꝛahâk pat kuningimu tap. Yakât den pat lohimbi hânꝛan kulemꝛan mansai yengâlen ari ekyongowehât Kiristoꝛe hângânnohop.

² Otmu den pat ya ekgohomune nâꝛgârâ bulâꝛe otmu nanꝛe âwânꝛaꝛe tânahomawot yakât dopꝛeâk tânahom yâkâlen biwinetꝛaꝛe kepeim hoꝛ bawanꝛimait. Gâhât nâꝛgâm Anitâ yuwu sâmbâ ulitguman. “O Awonꝛ, gâꝛe Kutdânenꝛe Yesu Kiristo orop Timoteo nâꝛgâwanꝛim tihitꝛe otmutâ biwiꝛe sânduk sâekgât ulitgohoan.” Yawu sâmbâ ulitguman.

Pauloꝛe Timoteo mem hewewerꝛ tuhuop.

³ Tâmbâlipnꝛaꝛe Anitâ hoꝛ bawanꝛim gaminiwi dop yawuâk nâꝛe gurâ hoꝛ bawanꝛim gan. Hoꝛ bawanꝛimune Wâtgât mâmânahâk Heakꝛe biwine ekmu ârândânꝛ otmap yawu nâꝛgâman. Otmu omoꝛe hilâmꝛe Anitâ ulitguman yan gâhât nâꝛgâm ulitguman.

⁴ Emelâk Epeso kapiân tatmâ biwinetꝛaꝛe kepeiakmâ manmâ dondâ iseawꝛiwit yakât gâhât nâꝛgâhihiman. Yâhâpꝛe enakmâ tep hero nanꝛanꝛgiromgâlâk nâꝛgâman.

⁵ Emelâk buwuhe, kutņe Loisi sâm, yâkņe Kiristohâlen biwiņañe kepeim manminiop. Otmu mâmâhe, kutņe Yunike, yâk gurâ yawuâk. Yakât otmâ gâņe yawuâk yâkâlen biwihañe kepeim manmâ gat yakât gâhât nâņgâm enġat yâhâp ki otman.

⁶ Yawu nanġan yakât otmâ emelâk Kiristohât komot yenġât kunlipyene orop âi sâm gihim kunġan mewin sâp yapâek Wâtġât mâmâņahât Heakņe mâmâņe otgihimu âi mendâ bulâņe tetem ġap. Otmu bulâņe yawuâk tetem yâhâwuapġât kârihem kinmâ âi ya biwihañe mem tuhuwuat.

⁷ Nenņe Anitâhâlen biwinenņañe kepeimunņe lohimbi nombotņañe umatņe âlâlâ ningimai. Yawu otņetâ biwinenņe orotok sâmapġât ikņe Wâtġât mâmâņahât Heakņe mâmâņe otningimu biwinenņe galemahom lohimbi lohotņan otmâ buku otyiņġimain.

⁸ Kiristohâlen biwine kinmap ya ki kurihim manmâ gaman. Yakât otmâ Kiristohât den pat âlepņe lohimbi ekyongomune ya lok nombotņañe nâņġañetâ ġemu bet pilâm pâi emetņan mem katneġetâ manmâ ġan. Otmu gâņe yâkâlen biwihañe kepeim nâ orop tânahom den pat âlepņe ekyongom ġawit ya ki kurihim manbuat. Yawu manmâ lohimbi den pat ya ekyongorâ nâņġâm biwiyene yâkâlen katņetġât nanġan. Yâhâ lok nombotņañe den ya nâņġâm hâkâņ otmâ mem âlâlâ tuhuhekno-mai yan Anitâhât wâtņan kinmâ ki lohotņe otbuat.

⁹⁻¹⁰ Anitâņe hân himbim ki kândikyotġowân Yesu Kiristo hâņġângumu ġe nen Anitâhât lohimbi menenemâ manman kârikņan katnenekbuap ya sâm kalop. Yakât otmâ nenņe otbin mewin yakât

ki nângâop. Iknje enjatnjeâk otmâ Kutdânenne Yesu Kiristo hânngângumu ge sârerenenekmâ kawenenñan kinmu kuñetâ muop. Muop yamâ benñe mumuñambâ mem yahatmu Mumuhât Amboñe Satan ya mem ge katmâ manman kârikñe mem teteningiop. Yakât den pat âlepñe eknongonjetâ nânngâwin yan Wâtgât mâmâñahât Heakñe mem hewewenñe tuhunenekmu Kiristohâlen biwinenñane kepeiwin. Yawu otmunñe Anitâñe nine nanne baratne sâm manman kârikñahât pat kuningiop.

¹¹ Otmu nâñe den pat âlepñe lohimbi kâsikum yinñiwehât Anitâñe aposolo âi sâm nihimu mem mansan.

¹² Âi yu mem lohimbi den pat âlepñe kâsikum yinñimune yakât menekmâ pâi emetñan katnekñetâ hâhiwin kakñan mansan. Yawu mansan yamâ Kiristohâlen biwinane tinñak kepeim mansan. Yakât otmâ âi nihiop yu biwinane mem tuhum manmâ yâhâwomgât mâmâñe otnihimap. Otmu yawuâk mâmâñe otnihimu âi yu tuhum manmâ yâhâm yanñak mumbom. Otmu hâmbâi Kiristoñe âwurem ge menenekbuawân âi yukât hâmeñe nihimu membom yakât nânngâm biwi yâhâp ki otman.

¹³ Kiristohât den bulâñe yakât mâtâpñe nânngâm henñenñuhât den kâsikum gihim gan. Den mâtâpñe ya ki tâpikgum gike nânngân nânngân watmâ lohimbi kâsikum yinñiwuat. Yawu otmâ Kiristo orop biwiyetñane kepeiakmâ konohâk otmu Anitâñe manman kârikñan katgekbuap yakât biwi yâhâp ki otmâ lohimbi hoñ bayinñiwuat.

¹⁴ Wâtgât mâmâñahât Heakñe biwinenñan ge

tatmapņe māmāņe otgihimu Kiristohât lohimbî ikņe den pat kâsikum yîngim mem hewewenĵ tuhuyekbuat sām âi gihiwin. Ya biwihanĵ tiņâk mem tuhuwuatgât nanĵan.

¹⁵ Emelâk topņe katmâ den âiân katnekbi yan Asia hân ambolipņanĵ tânnohoņet sâm ekyon-gowan yamâ yâkņe nâ ki tânnohowi. Sâp yan bukuyâhâtnetņe, kutyetņe Pihelo yet Hemohene, yâkņe betnohom âlâengen ariowot.

¹⁶⁻¹⁷ Yawu gârâmâ bukunetņe âlâ, kutņe Onesiporo, yâkņe konok Epeso kapi pilâm Roma kapi yuân takaop. Taka pâinnekmâ kapi hawamĵum yâhâm giop. Yâhâ nâmâ pâi emetņan tatmune yan taka mem tetenehop. Mem tetenekmâ pâi emetņan yâhâmune girawu me girawu tuhuneknomai yakât nâņgâm ki gorâwanĵgiop. In tihitņe bia pâi emetņan gam nekmu orowâk tatmâ den huhum biwine mem hewewenĵ tuhuop. Otmu Kutdânenņanĵe yâkât imbiņe naomņe yenĵât nâņgâyîngim tihityeņe olâkgât ulitĵuman.

¹⁸ Hâmbâi sâp patoen Kutdânenņanĵe âwurem ge menenekmu Anitâņe biwinenņahât topņe ekmâ otbin mewin yakât matņe kâpekningiwuawân Onesiporohât nâņgâwanĵgiuwap. Emelâk gâ orop Epeso kapiân manmâ Kiristohât den kâsikum yîngiminiwî yan yâkņe tânnotgominiop ya nanĵat.

2

Timoteoņe Kiristo hoņ bawanĵgiuwapĵât Pauloņe sâop.

1 Nanne, Timoteo, emelâk Pihelo yet Hemo-heneje Kiristohât âi pilâm ariowot yawu ki ot-buat. Gâjeâmâ Yesu Kiristohât wâtņan kinmâ kârihem hoņ bayiņim manbuat.

2 Otmu nâņe Kiristohât den pat âlepņe ya lohimbi kâsikum yiņgiwan yan gâ orowâk tatmâ nâņgâm gawi. Otmu âi gihiwan yakât dopņeâk gâku yawuâk lok nombotņe Kiristohâlen biwiyeņe kepeim manmaiņe lohimbi den kâsikum yiņginomaihât meyekmâ âi sâm yiņgiwuat.

3-4 Otmu Kiristohât tem lâum âi târârâhâk mem manbuat yakât den âlâen hâum yuwu sâmune nâņgâ. Hep beroneâmâ kunlipeņe yekņetâ ârândâņ olâk sâm yâkņe den sâmai ya watmâ ari otņetâ dopņan otmap. Otmu umatņe lâunomai yakât nâņgâm ki gorâyiņgimap. Yâkņeâmâ lohimbi inņe manmai yawu ki manmai. Yakât nâņgâm umatņe âlâlâ kakgan yâhâwuap yan gâņe Kutdâ tem lâuwanġirâ yâkņe gâ gekmu ârândâņ otbuap.

5 Otmu den âlâen hâum sâwe. Lok kiņgitņe orowâkņe senņe âlâlâ âilonġo katņetâ tatbuap ya menom sâm emet inânņan dop miakmâ yâhâmai. Dop miakmaiân lok âlâ me âlâņe otmâ hilipgumai yamâ galemnyeņe watyekmap. Yakât otmâ gâņe manmange galemġum heņġeņġum manbuat.

6 Otmu den âlâen hâum sâwe. Lok âlâ me âlâņe âi kalam tuhumaiņe yapâ sot mem nemai. Otmu gâņe Kiristohât nep ya biwihane hikum tuhuwuat yakât matņe hâmbâi gihimu membuat.

7 Den âlâen hâum eġgohoan yu mem mete tuhuwuat yanâmâ Anitâņe nâņġân nâņġânġe mem pâron pilâhihimu manman ġirawu mandâ ârândâņ otbuap yakât topņe nâņġâwuat.

⁸ Yesu Kiristo yamâ Dawitihât senâmbâ gâtje. Yâkje mumu Anitâje mumuñambâ mem yahatmu himbimân yâhâmu orowâk tawot. Yakât nângâm umatje âlâlâ kakgan yâhâmu biwihe ki orotok sâwuap. Nâje lohimbi hânñan kulemñan manmâ arai ya yeñgâlen ari Kiristohât den pat ya ekyongom gan.

⁹ Yakât otmâ nâhât lok bâleje sâm ip kârikñaje hikunekmâ pâi emetñan katnekjetâ hâhiwin kakñan mansan. Yâhâ nâjeâmâ yawu mansan gârâmâ Kiristohât den pat ya sâm haok tuhunomaihât mâtâp yamâ ki mañguyingiai.

¹⁰ Den pat ya sâm haok tuhuñetâ Anitâje lohimbi meyekmâ manman kârikñan katyekmu herone kakñan manmâ yâhâmbisâihât sâm kalop. Yakât otmâ lohimbi yañeâmâ Yesu Kiristohâlen biwiyenje katñetgât nângâm hâhiwin kakñan mansan

¹¹ Den yuwu ekgohomune nângârâ bulâje olâk. “Yâkje manmanje pilâm howanân kuñetâ muop. Yakât dopñeâk nenje manmannenje bâleje pilâwin. Otmu Anitâje mumuñambâ mem yahatmu manman kârikje mem teteningiop. Yakât otmâ yâkâlen biwinenñaje kepeim manman kârikñan manbisâin.

¹² Lohimbi belângen manmainje mem âlâlâ tuhunenekñetâ yâkâlen biwinenñaje kepeim mannom otmuâmâ yâkje âwurem ge menenekmu orowâk tatmâ lohimbi galemýongom mannom. Yawu gârâmâ nenje betgunom otmuâmâ yâku yawuâk betnongowuap.

¹³ Yâhâ betgum biwinenñaje kârikje otmu mannom otmuâmâ matje umatje kâpekningiwuapgât den sâm kalop ya ki kumbuap. Ikje biwi nângân

nângânjan tatmap ya pilâm yan ondop otbuapgât dop âlâ ki tap. Yawu.”

Timoteoŋe Anitâhât den ki kelangtmâ lohimbi kâsikum yinggiop.

¹⁴ Den sâŋ aran yu Kiristohât lohimbi ekyonguwat. Otmu Anitâhât senjan kinmâ kuyingirâ den kakŋan ki sahanjinomai. Yâhâ den kakŋan sahanjinomai yaŋe mem bâleyekmu hiliwahonomai.

¹⁵ Otmu gâŋe Anitâhât den bulâŋe ki kelangtmâ lohimbi kâsikum yingiwuat. Anitâŋe nekmu ârândân olâk sâŋ âi sâŋ gihiwan ya biwihane tiŋâk mem yâkât den tâŋ tâŋâk kâsikum yingiwuat. Yawu otmâ ki aŋulakbuat.

¹⁶ Yâhâ lohimbi nombotŋaŋe yeŋe nâŋgân nâŋgân watmâ den tâŋât sâŋ den kakŋan sahanjimai. Yawu otmâ Kiristohât mâtâp pilâm manman bâlenjahât mâtâp watmâ dondâ otmâ hilipgumai.

¹⁷ Yakât dop kum yuwu sâŋmune nâŋgâ. Lohimbi âlâ me âlâ hâk bâle teteyingimap yaŋe hârok mem bâleyekmu hiliwahonomai. Yakât dopŋeâk lok yaŋeâmâ den perâkŋe sâŋ bukulipyenye kâsikum yinginetâ nâŋgâŋetâ bulâŋe otmu ya watmâ manmâ hiliwahonomai.

¹⁸ Yenğâlen gâtŋe lok yâhâp, kutyetŋe Himenai yet Pileto, yâkŋe Kiristohât den bulâŋe pilâm den yuwu kâsikum yingimawot. Mumunğambâ yahatnomgât dop âlâ ki tap sâŋ den perâkŋe kâsikum yingimawot. Den perâkŋe ya kâsikum yingimutâ buku nombotŋaŋe nâŋgâŋetâ bulâŋe otmu Kiristohât den bulâŋe betgum mansai.

19 Yawu gârâmâ nenŋe saran aim kânâŋgâmunŋe ŋiwiŋ ŋiwiŋ sâŋ kinŋap yakât dopŋeâk Anitâŋe ikŋe lohimbi meyekmu yâkâlenâk biwiyenâŋe kepeim manmai. Yâkâlen biwiyenâŋe kepeim manmai ya yeŋgât yuwu sâop.

“Lohimbi âlâ me âlâŋe Kutdâhâlen biwiyenâŋe kepeim mansai ya yeŋgât biwiyenâhât topŋe nanŋap.”

Otmu âlâmâ yuwu sâop.

“Lohimbi âlâ me âlâŋe “Kutdâhâlen biwinâŋe kepeim tem lâuwanŋiman,” yawu sâŋ lohimbi ekyongomai yaŋe orotmeme kiŋgoŋ pilâm manman târârâhâk mannomai.” Yawu.

20 Otmu nen Kiristohât lohimbi bulâŋe lok perâkŋe orop hohet guhet mansain yakât topŋe nânŋârâ keterahâkgât den âlâen hâum yuwu sâŋmune nânŋâ. Emet pato âlâhât kâlehen kondo hâhâp senŋe âlâlâ topŋe topŋe tuhum katŋetâ tatmap. Tuhum katbi yamâ nombotŋe goli otmu siliwa yaŋe tuhum katbi. Otmu nombotŋe âlâmâ denŋopŋe mem kutakum tuhuwi. Otmu nombotŋeâmâ nakŋe hâwim katbi. Yâhâ emet ambonâŋe senŋe âlâlâ nombotŋe yakât nânŋâŋetâ yahatmu hâworum emet biwiŋe âlâen katŋetâ tatmap yan lok papato im yahatmai. Yâhâ nombotŋe âlâmâ yakât nânŋâŋetâ gemu ya hâworum emet pondoân katŋetâ tatmap. Dop yawuâk nenŋe oset guset manmain.

21 Yâhâ Kiristohât lohimbi âlâ me âlâŋe lok perâkŋe yeŋgât orotmeme bâleŋe bet pilâm keterakmâ yeŋeâk mannomai yamâ Kutdâyeŋeâŋe âi âlepŋe yiŋgimu menomai.

²² Lok nombotņaje nimnaom yeņgât nâņgân nâņgân ya watmâ yu me ya otmai. Yâhâ lok nombotņajeâmâ biwiyenje galemahom târârâhâk manmai. Yawu manmai yaņeâmâ yu me ya otne sâm aņgoân Kutdâ ulitguņetâ nâņgân nâņgân âlepņe biwiyenjan katmap. Otmu gâņe yawu otdâ Anitâņe nâņgân nâņgâņe mem pâroņ pilâhihimu Kiristohât den lâum lok âlâ me âlâhât den sâm hâreyiņgirâ ârândâņ otbuap. Den sâm hâreyiņgirâ ârândâņ otbuap yanâmâ Kiristohât lohimbî orop biwiyenjaņe kepeiakmâ konohâk otmu buku oraņginomai.

²³ Yâhâ lok nombotņe yeņgât biwiyenambâ nâņgân nâņgân tâņât âlâlâ tetemap ya gâ orop alahune sâm otnomai ya ki nâņgâyiņgiuwat. Lok yawuya orop den tâņât alahumai yan den yaņe ba tom tomņe otmu yaņak den kakņan sahaņginimai.

²⁴ Nenņeâmâ Kutdâ hoņ bawaņginmain. Yakât otmâ nenņe lohimbî kerek ewe katyekmâ lohotņan den kâsikum yiņginom. Yawu otmâ yâk orop den kakņan ki sahaņginom.

²⁵⁻²⁶ Yawu otyiņginom yanâmâ Anitâņe biwiyenjan kioņmu nâņgân nâņgânyenje keterakiņgimu Kiristohât den nâņgâņetâ bulâņe otmu yâkâlen biwiyenje katnomai. Yâkâlen biwiyenje katnomai yan Satangât paņgoņân kioņmâ hoņ bawaņginim gai yapâ holaņyekmu Kiristohât tem lâuwaņginomai.

3

Kiristo âwurem gewuap sâp yan lohimbî yuwu otmâ mannomai.

¹ Den âlâ yuwu sâmunê nângâ. Kiristo âwurem gewuapgât sâp tâlâhuwuap yan lohimbiņe yuwu otņetâ bâlewuap.

² Lohimbi nombotņane yenahât nângâņetâ yahatmu hâkyeņe mepaenomai. Hâkyeņe mepaem tewetsenņahâlâk nângâm tepyeņe umatņe otbuap. Yawu otmâ bukulipyeņe yeņgât nângâņetâ gemu nângâm bâleyiņim hâiyeknomai. Âwâ mâmâlipyeņane mem ga katyekmâ tihityeņe otmâ gamai yakât nângâņetâ porap otmu ki ewe katyekmâ tem lâuyiņinomai. Otmu yakât dopņeâk Anitâ ki ewe katmâ yâkât den lâunomai.

³ Lohimbi âlâ me âlâ yekmâ mem bâleyeknomai. Lok nombotņane otņetâ bâlewuap yakât tepyeņe kou kâlâp semu yanâk matņe yiņinomai. Otmu den guruk sâm bukulipyeņe yeņgât belângen sânomai. Otmu bukulipyeņe kâityongom hâmeyeņe bitnomai. Yâhâ girawu manņetâ âlepņe otbuap yakât ki nângânomai.

⁴ Yawu otmâ Anitâ betbaņgim yu me ya ekņâlem otmâ hilipgunomai.

⁵ Lok yawuya nombotņane topyeņe kurihiakmâ Kiristohât lohimbiņe otmai memai yawuâk otmâ yeņgâlen torokatnomai. Yawu gârâmâ biwiyeņe manņuakmu manņetâ Anitâņe ki mâmâņe otyiņgimap. Lok yawuyaņe Kiristohât komolân torokatmai hât sen galemâk manbuat.

⁶⁻⁷ Lok yawuyaņe yuwu otmai. Imbi nombotņane otņetâ bâlemap yakât nângâņetâ biwiyenân hâumu girawu manmunņe Anitâņe nenekmu ârândâņ otbuap sâm lokgât nângân nângân âlâ watmâ ya pilâm âlâ watmâ tuhumai.

Yawu otñetâ nângân nângânyeñe hâlim milim otmu Kiristohât mâtâp ekñetâ ki keterakyingimap. Yakât otmâ lok yawuyane imbi yuwuya yengât biwiyenan kionetâ den ya nângâñetâ bulâne otmu lok naomlipyene yengât manmanyene mem bâleyingimai.

⁸ Kândikum emelâk Moseñe Anitâhât lau lâum Aihita yengât lok kunne yâkâlen ari yâkât den ekuop yan Aihita lok yâhâp, kutyetñe, Yane yet Yambere, yâkñe Anitâhât den kakñan sâowot. Yakât dopñeâk lok perâkñe yengât yan yañe Anitâhât den bulâne kakñan sâmai. Nângân nângân bâlenjahât Amboñe, Satanñe lok ya yengât nângân nângânyeñe mem bâleyingimu Kiristohât den pat âlepñe nângâñetâ helekñe otmap. Yakât otmâ hiliwahonomaihât pat mansai.

⁹ Otmu emelâk Yane yet Yambereñe Anitâhât den kakñan sâowot yan topyetñe tetekñan tetemu lohimbine ekbi. Yakât dopñeâk lok perâkñe yuâmâ sâp kâlep ki otmuâk topyene tetemu Kiristohât lohimbine yekmâ lok kopa sânomai.

Pauloñe Timoteo den katbanjiop.

¹⁰ Nanne, Timoteo, Anitâne mâmâñe otnihim tihitne otmâ gap yakât topñe nângâm hengenkuat. Emelâk tânahom gawit yan Kiristohâlen biwinane kepeim yâkât den pat âlepñe lohimbini kâsikum yingiminiwan. Sâp yan girawu manban ya nehon. Lohimbini nombotñane sâmbâlenihiwi ya ewe katyekmâ buku otyingiwani. Otmu umatñe âlâlâ kaknan yâhâop yan biwine ki houñ sâop.

¹¹ Kapi kalimbu, kutyene Antiok, Ikonion, Listera yan ari tatmâ Kiristohât den pat âlepñe kapi

ambolipņe kâsikum yinģiwan. Kâsikum yinģimune nombotņe den ya nânģâņetâ gemu bet pilâm mem âlâlâ tuhunekņetâ hâhiwin nânģâm bâsok muwan. Mumbâm yamâ Kutdâņe tihitne otmu hâmene kinop.

¹² Yakât yuwu sâmunē nânģâ. Lohimbi âlâ me âlâņe Kiristo orop biwiyēņe kepeiakmâ konohâk otmu Anitâ hoņ bawañimai yâhâmâ lok belângen manmaiņe mem âlâlâ tuhuyekmai.

¹³ Lok perâkņe biwiyēņe kurihiakmâ Kiristohât lohimbi kâityongom mansai. Yawu otņetâ bâlemap yawuâk torokatmâ otmâ yâhâņetâ dondâ bâlewuap. Otņetâ bâlemap yakât nânģâņetâ bulâņe otmu yawuâk watmâ yâhâm hiliwahonomai.

¹⁴ Yâhâ gâmâ nâņe Kiristohât den kâsikum gihimune nânģâon. Ya nânģârâ bulâņe otmu yâkâlen biwihâņe kepeim manmâ gat. Yakât otmâ nâhât topne naņgat. Yakât otmâ Kiristohât den yawuâk lâum manbuatgât naņgan.

¹⁵ Emelâk Anitâhât poropetelipņe otmu hoņ bawalipņe yâkât den kulemguiwi ya mâmâhe buwuhâņe lepatgambâek kâsikum gihiminiowot. Yakât otmâ den ya nânģâm heņģeņgum Kiristohâlen biwihâņe tiņâk kepeim manbuat. Yawu manmâ yâhâwuap otmuâmâ Kiristone âwurem ge menenekbuap yan Anitâņe manman kârikņan orowâk katnenekbuap.

¹⁶ Wâtgât mâmâņahât Heakņe Anitâhât poropetelipņe otmu hoņ bawalipņe yeņgât biwiyēņe mem hewewēņe tuhumu Anitâhât den ya tâņ tâņâk kulemguiwi. Yakât otmâ den ya kâsikum lohimbi yinģimunņe nânģâņetâ bulâņe

otmu Anitâhât topņe nâņgâm heņņeņgunomai. Yawu nâņgâm orotmeme girawu manņetâ yekmu ârândâņ otbuap yakât nâņgâņetâ haņ sâyiņgimu manmanyenę kelihakmu mannomai.

¹⁷ Otmu nenņe Kutdâhât wâtņan kinmâ den ya nâņgâm heņņeņgum hoņ bawanğim nepņe tuhunom yanâmâ yakât bulâņe âilonğo tetewuap.

4

¹ Nâņe Anitâ yet Yesu Kiristo yetgât senyetņan kinmâ yuwu sâmunę nâņgâ. Kiristoņe âwurem gewuap yan lohimbi emelâk muwi, me yiwerenę mansain yu, otmu hâmbâi tetem mannomai, kerek nengât biwinenņe ekbuap. Yawu otmâ nenņe yâkâlen biwinenņaņe kepeimain nenâmâ menenekmâ manman kârikņan katnenekmu manbisâin. Yakât nâņgâm den yuwu sâmunę nâņgâm lâum manbuat.

²⁻⁴ Hâmbâi Kiristoņe âwurem gewuap sâp ya tâlâhuwuap yan Anitâhât hoņ bawalipņaņe ikņe den bulâņe lohimbi tâņ tâņâk kâsikum yiņginomai. Kâsikum yiņgiņetâ lohimbi nombotņaņe ki nâņgâm nâņgâm mannomai. Ki nâņgâm nâņgâm manņetâ ândâpyenę kârikņe otbuap. Yawu manmâ lok âlâ me âlâņe den lohotņan kâsikum ningim heronę kakņan katnenekņetâ manne sâm yenę eņgatyenęâk otmâ lok yawuya yenğât pâinyeknomai. Yawu gârâmâ lok perâkņe mem teteyekņetâ den tâņât topņe topņe kâsikum yiņgiņetâ nâņgânomai. Yawu gârâmâ sâp yiwerenę yuâmâ Kiristohât den kâsikum yiņginom. Lohimbi belângen manmaiņe Kiristohâlen biwiyenę katņetgât gâņeâmâ hewewenę otmâ den pat

âlepņe ya sâm holanmâ engatyenjan gewuat. Yâhâ nombotņane nâņgâņetâ umatņe otmap yâhâmâ mem hewewen tuhuyekbuat. Yâhâ nombotņe âlâņeâmâ nâņgâm pâpgumai yamâ lohotņan kâsikum yingirâ nâņgân nâņgâņeņe pâron sâmu haņ sâyiņgiwuap.

⁵ Otmu wuân me wuân gâhâlen tetewuap yan biwihe ahom niakmapgât galemahom manbuat. Otmu lok belângen manmaiņe mem âlâlâ tuhuhekņetâ hâhiwin kakņan manmâ yâhâwuat yan Anitâhât wâtņan kinmâ hoņ bawanġim Kiristohât den pat âlepņe kâsikum yingim heņgeņguwuat.

⁶ Yâhâ nâ otnihinomai yakât nâņgâm den âlâen hâum sâmune nâņgâ. Emelâk papatolipnenņane Anitâ mepaem yan noniņ bulimakao gâim katbaņgiminiwi. Yakât kakņan wain to moselenetâ gemu yan Anitâņe nâņgâmu ârândâņ otminiop. Yakât dopņeâk nâ nohoņetâ mumbom yan hepnaņe gemu ârândâņ otbuap.

⁷ Emelâk Kutdânenņane menekmâ aposolo âi sâm nihiop ya biwinane tiņâk mem tuhum gan. Yakât nâņgâmune ârândâņ oap. Otmu âlâ torokatmâ tuhumbâmġât dop âlâ ki tap.

⁸ Kutdâhâlen biwinenņane kepeim manmain. Yakât âwurem ge menenekbuap nâņgâm mambotbaņgimain. Yâhâ âwurem ge menenekbuawân biwinenņe ekmâ hâmeņe tâņ tâņâk ningiwuap. Nâņe hoņ bawanġimune nekmu ârândâņ otmap. Yakât otmâ hâmeņe âilonġo nihimu membom. Sâp yan pat yakât bulâņe nihimu membom.

Den bâiņe sâm hâreop.

9-12 Aiop, bukunenŋe âlâ, kutŋe Dema, yâkŋe ikŋe manmanŋahâlâk nâŋgâmu yahalop. Yawu otmâ nâ pilânekmâ Tesalonike kapiân ariop. Otmu bukunenŋe âlâmâ, kutŋe Kerese, yâhâmâ hâŋgângumune Galatia yengâlen ariop. Otmu bukunenŋe âlâmâ, kutŋe Tito, yâhâmâ hâŋgângumune Dalimati yengâlen ariop. Otmu âlâmâ, kutŋe Tikiko, yâhâmâ hâŋgângumune Epeso kapiân ariop. Bukunenŋe âlâmâ, kutŋe Luka, yâk konok nâ orop mansait. Yâhâ bukunenŋe âlâ, kutŋe Mareko, yâkŋe gurâ Kiristohât lohimbi hon bayiŋgimu nâŋgâmunne âilonŋo oap. Yakât otmâ gâŋe mendâ yâk orowâk in yawu takaromawot.

13 Otmu Epeso kapi pilâm yuân takare sâŋ anŋoân Toroa kapiân garomawot. Yan ga lok âlâ, kutŋe Kapo sâŋ, yâkât emelan nâhât siruhât hâk katipŋe otmu ekap âlâlâ katban ya mem takaromawot.

14-15 Lok âlâ, kutŋe Alesande, yâhâmâ goli, siliwa otmu kât kârikŋe âlâlâ um kutakumap. Yâkŋe nâhât den kakŋan sâŋ dondâ mem bâlenehop. Yakât otmâ yâkât sen galem otdomawot. Yawu otnihiop yakât matŋe Kutdânennŋe kâpekbaŋgiwuap.

16 Anŋoân den âiân katnekbi yan bukulpne kerekŋe betnohowi. Yakât Anitâŋe ki nâŋgâyŋgimu bâlewuapgât nanŋan.

17 Sâp yan Kutdâŋe ki betnohop. Yâkŋe mem hewewenŋe tuhunekmu nine topne ekyongowan. Otmu Kiristohât den pat ya pâku lohimbi yengât kunlipyenŋe ekyongomune nâŋgâm henŋenŋuwi. Yawu otmâ Kutdâŋe nâŋgânihimu holaŋnekŋetâ gem ariwan.

18 Otmu yakât dopneâk Manman Bâlenjahât Amboņe, Satanņe mem bâlenekmapgât Kutdâņe tihitne otmâ yâhâwuap. Otmu hâmbâi mâne sârerenekmu himbimân manmâ yâhâwom. Yakât nâņgâm Anitâ herone nâņgâwanņim mepaembisân. Ya bonņanâk.

19 Den bâņe sâwoman. Lohimbi yâhâp, kutyetņe Akuila yet Pisisila, nâņgâyitgian. Otmu Onesiporohât imbiņe naomņe yeņgât nâņgâyinņian.

20 Yâhâ bukunenņe Erasto yamâ Korinti kapiân takawin yan katmunņe mansap. Otmu âlâmâ, kutņe Toropimo, yâhâmâ mesek otmu yaņak Milete kapiân takawin yan katmunņe mansap.

21 To yambu otmâ mâtâp maņguyitgimapgât in yawu takaromawot.

Yuwulo, Puren, Lino, Kalaria otmu Kiristohât lohimbi nombotņe gurâ nâņgâhiahai.

22 Kutdâ orop manbuat.

Anitâņe ikņe lohimbi yeņgât tihityeņe olâkgât naņgan.

Nâ âwâhe,
Paulo

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

995083d2-705e-5a60-af47-1e36806cccbc